

آثار عتیقه نظامنامه سی

---

فی ۲۹ صفر سنه ۱۳۲۴ و ۱۰ تیسان ۱۳۲۲

---

در سعادت  
عمود بك مطبعه سی  
۱۳۲۸

TDV İSAM  
Kütüphanesi Arşivi  
No 2E-3335

آثار عتیقه نظامنامه سی

فی ۲۹ صفر سنه ۱۳۲۴ و ۱۰ نisan ۱۳۲۲

در سعادت  
محمود بك مطبعه سی  
۱۳۲۸

## آثار عتيقه نظامنامه سی

### آثار عتيقه اداره سی حقنده در

برنجی ماده — موزه هایونلر مدیریت عمومی سی ممالک محروسه شاهانه نك آثار عتيقه یه متعلق كافة امورینی ایفایه مأمورد. اشبو امورك رؤیتی ضمننده مدیر عمومینك ریاستی آلتنده اولوق و معاونیه مدیریت مذکوره طرفندن درسعادنده کی موزه هایون محافظلری میانندن منتخب لاقل دیگر ایکی ذاتدن مرکب بولمق اوزره دائمی بر قومیسسیون تشکیل ایدلشدر.

ایکنجی ماده — ولایات شاهانه ده آثار عتيقه یه متعلق معاملات معارف مدیرلینه محولدر. معارف مدیرلری محلی موزه لرك مدیریت وظیفه سنی ایفا و آثار عتيقه یه متعلق معاملات ایچون طوغریدن طوغری یه موزه هایونلر مدیریت عمومی سیله مخابره ایلیه جکلر و امور مذکوره حقنده مدیریت عمومی یه تابع بولنه جقدر.

اوچنجی ماده — موزه هایونلر مدیریت عمومی سی طرفندن قرار التنه النان بالجله موادك موقع اجرا یه وضعی معارف نظارتنك تصدیقنه وابسته در.

## ایکنجی فصل

آثار عتیقه‌ی محتوی اراضی ایله داخلنده کی آثار

عتیقه‌نک کیفیت تصرفلری حقننده در

دردنجی ماده - ممالک محروسه شاهانده حکومته عائد بولنان اراضی و املاک ایله افراد و جماعات مختلفه‌نک عهده‌لرنده کی املاک و اراضیده موجودتی بیلنن و یا خود آتیا کشف ایدیله‌جک اولان هر نوع آبدات و آثار عتیقه منقوله و غیر منقوله‌نک جمه‌سی حکومت عثمانیه‌نک مالیدر . بناءً علیه آثار مذکورنک کشف و محافظه‌سیله بوناری طوبلامق و موزة هایونلره وضع ایلک حق حکومته عائددر . اشبو ماده‌نک احکام مندرجه‌سی حرفت و صنایع نفیسه اسلامییه متعلق کافه اشیای منقوله و غیر منقوله عتیقه حقننده جاریدر .

بشنجی ماده - حکومت عثمانیه‌نک تصرفنده بولنان اراضیده وقتیه ساکن اولان علی‌العموم اقوام قدیمه‌نک صنایع نفیسه و علوم و فنون و ادبیات و ادیان و حرفته متعلق بلا استثناء کافه مظاهرات و هر درلو معمولاتی آثار عتیقه‌دن معدوددر .

مثلاً جوامع شریفه و خیرات و مبانی مقدسه ، متروک بت پرست معبدلری و ایوم دروننده اجرای آیین ایدلیان سیناغوناو ( یعنی موسویاره مخصوص عبادتخانه‌لر ) ، بازیلیقالر ( برنوع کلیسا ) ، کلیسالر ، مناسترلر ، کنبدلر ، خانلر ، قلعه و برج‌لر ، قصبه‌سوزلری ،



خانه‌ها، تیاترولر، کوپرلر، آت میدانلری، سیرقوسلر (رومالیلر زماننده عربه یاریشیله اویونلره مخصوص محل)، اینستادلر و هیودروملر (آت میدانلری)، آنفیتیاترولر (اویون و کورشلره مخصوص محل)، حاملر، ریختمار، دیوارلی و دیوارسز قیولر، صهرنجلر، شوسهلر، دیکیلی طاشلر، صویوللری، هیوکلر (مزار و قریه تپهلری)، محکوکاتی سطحاً مرئی و غیر مرئی مزار اوطله‌لری، هر کونا مواددن مصنوع مصور و غیر مصور لحدلر، دیرکلر، صندوقهلر، بویالی و یا خودیالذیزی تصویرونقابلر، قبارتمهلر، استلار (مزار طاشلری، الواح نذریه، وسائر دیرک اوزرنده کی آبدلر)، هیکلر، هیکلجکلر، فیکورینلر (طوپراقدن هیکلجکلر)، یازیلی و قبارتمه‌لی قبالر، دری و بزوپایروس (برنوع نباتات یپراغی اوزرنده کی محررات)، پارشومن (ترشه اوزرنده کی محررات) و کاغد اوزرینه کی ال یازیلری، ایشلنمش چاقق طاشلری و هر نوع مواددن مصنوع اسلحه، آلات و ادوات و وازولر و معمولات ترابیه و زجاجیه، مزینات، یوزوکلر، مجوهرات، اسقارابه‌لر (برنوع بوجک شکلنده طوپراقدن معمولدر)، وزنلر، سکه‌لر، مدالیهلر، قالبلر، محکوک طاشلر، آغاچدن معمول اشیا، اویمه و قابله ایشلری، فیل دیشی و کیکن مصنوع معمولات بوقییلدنلر.

التنجی ماده — قدیم دیوار و آبدات بقایاسی و علی العموم هر هانکی جنسدن اولور ایسه اولسون آبدات و اشیای قدیمه کساراتی و قیایارچه‌لری، طاغنیق طوغله‌لر، طاش و جام و آغاچ قریقلری چینیارله معمولات ترابیه پارچه‌لری آثار عتیقه‌دن معدوددر.

## اوچنچى فصل

### آثار عتيقه غير منقوله حقمنده در

يدنجى ماده — هر زرده ونه صورته اولور ايسه اولسون  
هر كيم دكز وكول وصو مجرالرنده طوپراق ايشلديكى وقاتل  
وخندق وقيو وبناتملى حفر ايتديكى وطاش وقوم ومواد سائره  
اخراج ايلديكى ائشاده بر بنا وسائر آثار عتيقه غير منقوله يه  
مصادف اولور ايسه آثار عتيقه مأمورينه ومأمور مذكورك  
بولنديغى محله الك قريب مأمورين ملكيه ويا عسكريه يه اون  
بش كون ظرفنده اخبار كيفيته مجبور در عكس حالده  
كندوسندن يوز غروشدن بيك غروشه قدر جزاى نقدى  
آنور . بوبابده اخذ معلومات ايدن مأمورين ملكيه وعسكريه ده  
سرعت ممكنه ايله بولندقارى ولايتك معارف مديرينه بيان معلومات  
ايمك مجبوريتنده درلر . دروننده آثار عتيقه كشف اولنان  
اراضينك صاحب ويا مستأجری مذكور مباني ويا خود سائر  
آثار عتيقه غير منقوله نك محافظه سنى تأمينه و آثار مذكوره يي  
اخبار ايتديكى كوندن اعتباراً محل ظهورنده لا اقل آلتى هفته  
براقعه مجبور در . بومدت ظرفنده آثار عتيقه اداره سى طرفندن  
بر مأمور تعيين ايديله رك كشف اولنان بنا ويا خود سائر آثار  
عتيقه غير منقوله نك معاينه سيلاه بولنديغى اراضينك حكومه تملكى  
تعيين ضمننده اورايه اعزام ايديلور ولزوم تملكينده اشبو محلك  
قانون مخصوصى موجبجه استملاكى اجرا اولنور وبوحالده

ويريله جك تضمينانده يالكز اراضينك و فروعات جديده سنك قيمتنه اعتبار اولنه رق اراضى مذكوره اوزرنده موجود اولان وياخود موجود اولسى محتمل بولنان اثر ويا آثار عتيقه نك قيمتى داخل حساب ايدليه جك و اشبو تقدير قيمت خصوصى باب عاليدن استيدان اولنه جقدر .

سكزنجى ماده — اولاً مباني وساير كافه آثار عتيقه غير منقوله يى هر نه صورته اولور ايسه اولسون يردن اوينا تمق ، هدم ايتك ، سقط لامق و محو ايتك وياخود آثار و مباني غير منقوله دن بريسك تماماً ويا قسماً وقوع بولان تخريندن متحصل موادى مرجع عايدى نك رخصتى اولمق سزين ضبط ايتك ، ثانياً آثار و مباني عتيقه غير منقوله يه لا اقل اوچ يوز مترودن قريب كيرچ اوجاغى و طوغله خرمانى انشا ايتك ، ثالثاً مباني عتيقه يه كرك طوغربدن طوغرى يه و كرك بالواسطه ايراث مضرت ايديه جك قريبنده هر نوع عملياته بولمق ، رابعاً مباني عتيقه يى اولچمك ، قابليرى و استامپازلىرى باقمق ايجون وياخود هر نه مقصده مبني اولور ايسه اولسون عموميتله بلارخصت مخصوصه مباني مذكوره اوزرينه اسكله قورمق ، خامساً مباني عتيقه دروننده اسكان ايتك ، سادساً اينيه عتيقه يى آخور ، ذخيره وياخود اوت و صمان انبارى اتخاذا ايتك ويا وساير بر صورتله قوللامق قطعياً ممنوع اولديغندن بروجيه بالا تعداد اولنان افعاله متجاسر اولانلاردن قانون جزانك يوز او توز سكزنجى ماده سى موجبنجه تضمينات

و جزای نقدی آنمغله برابر حقارنده بر آیدن بر سنهیه قدر  
حبس جزای ایدیور .

## در دنجی فصل

### آثار عتیقه منقوله حقنده در

طقوزنجی ماده — هرکیم متصرف اولدینگی اراضی سطحنده  
ویا زیرنده آثار عتیقه منقوله دن برشی کشف ایلدیگی حالده  
نهایت برهفته ظرفنده آثار عتیقه معارف مأمورینه و مأمور  
مذکورک بولندینگی محله اک یقین مأمورین ملکیه ویا عسکریه یه  
اخیار کیفیته مجبوردر . بویابده اخذ معلومات ایدن مأمورین  
ملکیه و عسکریه ده بولوندقاری ولایتک آثار عتیقه مأموری  
بولنان معارف مدیرینه بیان معلومات ایتک مجبوریتنده در لر .  
بالاده کی نظامه تمامیه امشکل ایدناره مکافاة حکومتک  
استصحاب ایده جکی آثار عتیقه منقوله قیمتک نصفنه معادل  
بر مبلغ اعطا ایدیور واشبو قیمت معارف نظارتیه بالخابره موزه  
هایونلر مدیریت عمومیه سیله مخترعی بیننده بالاتفاق تعیین اولنور .  
طرفینجه اختلاف حصولنده اختلاف واقع معارف نظارتی  
جانبدن فصل ایدیور . نظارتک اشبو قرارینه ده اعتراض اولندینگی  
تقدیرده کیفیت باب عالیدن استیذان اولنور ولدی الحواله شورای  
دولتجه ویریه جک قرار قابل اعتراض اوله من . مخترع مدت معینه  
ظرفنده اخبار کیفیت ایتمز ایسه آثار مذکورہ ضبط اولنور  
وصاحب اراضیدن مکافات طلبی حتی سقوط ایتدکن ماعدا



کندوسنه یوز غروشدن بیک غروشه قدر جزای نقدی دخی حکم ایدیله بیلور . احکام مسروده کندولرینک مالی اولیان اراضیده - اشبو اراضی ایستر اراضی خصوصیه دن و ایستر اراضی امیره دن اولسون - آثار عتیقه منقوله کشف ایدنار حقنده دخی جاریدر .

### ایشنجی فصل

#### حفریات حقنددر

اونجی ماده — ممالک محروسه شاهانه داخلنده بولنان اراضیده کشف ایدلماش ویاخود کشف ایدیله جک اولان کافه آثار عتیقه منقوله و غیر منقوله اموال امیره دن اولمی حسینیه حکومت عائد اراضی و املاک اوزرنده و افراد و جماعات مختلفه عهده لرنده بولنان اراضیده ثقبه آچهرق معاینه ایتک و سونداژ و تحریات و حفریات اجرایی حتی موزه هایونار مدیریت عمومیه سنک اشغاری و منحصردر . معافیله موزه هایونار مدیریت عمومیه سنک اشغاری اوزرینه معارف نظارتی استثناء ورمساعده مخصوصه اولمق اوزره جمعیات علمیه و متخصص اولان افراد تبعه واجنیه به ممالک شاهانه نیک هر هانکی جهتنده طلب ایدرلر ایسه ویاخود نظارتک تنسیب ایدله جکی محله سونداژ و تحریات و حفریات اجراسنه مساعده ایدیه بیه جکدر و بو حالده اشبو نظامنامه نیک اون دزت و اون بش و اون آلتنجی ماده لری احکامنه توفیقاً سونداژ و تحریات و حفریات رخصتنامه سی اعطا اولنه جقدر .

اون برنجی ماده — هرزده اولور ایسه اولسون رخصت مخصوصه استحصال ایتمکسزین ویاخود کیزلیجه آتق البینان سونداژ و تخریات و حفریات اجرا سنه متجاسر اولانلره اوج ماهدن برسنه یه قدر حبس جزاسیله مجازات ایدیه جکی کبی کشف اولمش اولان آثار عتیقه منقوله موجود ایسه ضبط ایدیه رک موزه هایونلره وضع ایدیه جکدر . آثار مذکورہ امحا ویا تخریب ایدلمش ایسه قیمتاری متجاسر لرندن استحصال اولنه جقدر .

اون ایکنجی ماده — آثار عتیقه حفریاتی موزه هایونلر مدیریتی معرفتیه افراد و جماعات مختلفه یه عائد اراضیده اصحابنک رضاسیله اجرا ایدلدیکی تقدیرده مدیریت عمومیہ حفریات اجرا ایدیلان اراضینک استعمالندن موقه محرومیتدن وایجابی حالده حفریات واقعه دن ترتب ایدن ضرری و اراضی مذکورہ نی حال حاضرینه ارجاع ایچون اختیاری طبیعی اولان مصرفی تضمین ایدیه جکدر . اشبو ضرر مقداری حکومت محلیه طرفندن تقدیر و تعیین ایدیه جکدر . یدنجی ماده نک احکامی بوصورتله وقوع بولان حفریاتده ظاهره چیقاریلان آثار عتیقه غیر منقوله حقنده دخی جاریدر . حفریات واقعه اثناسنده کشف اولنان وموزه هایونلرجه اهمیت اولمدیغی مدیریت عمومیہ جانبدن بیان ایدیلان آثار عتیقه منقوله اوچنجی ماده موجبنجه معارف نظارتنک تصدیقنه اقتران ایتدکن صکره اصحاب اراضی یه تسلیم اولنه جنی کبی موزه هایونلر مدیریتنجه اهمیتاری ثابت اولان آثار عتیقه منقوله موزه لره وضع ایدیه رک اراضی صاحبنه مدیریت عمومیہ جانبدن

تعیین اولنه جق مکافات دخی كذلك نظارت مشار الیهانک  
انہامی وبابعالینک تصدیقیہ اعطا اولنه جقدر .

اون اوچنجی ماده — موزہ ہایونلر مدیریت عمومیہ سی  
جانبدن اجرا اولنه جق حفریاتہ اصحاب اراضی راضی اولدقاری  
حالیہ اراضی مذکورہ یدنجی ماده احکامنہ توفیقاً استملاک  
ایدیلہ جکدر . معافیہ موزہ ہایونلر مدیریت عمومیہ سی یالکز  
اولجہ صاحب اراضی بہ ویاخود علاقہ دار اولان شخصیہ اخبار  
کیفیت ایدرک بلااستملاک بعض ابتدائی سونداژ اجرا  
ایدیلہ جک فقط سونداژ یاپیلان اراضینک استعمالندن  
صاحبنک موقہ محرومیتندن متولد زبانی و اراضی مذکورہ  
وقوعہ کلان سائر ضرری تضمین ایلہ جکدر . معافیہ سونداژ  
عملیاتی تمدید ایلہ بوصورتلہ خانہ ویاخود ابنہنک خسار دیدہ  
ویامہدم اولسنی انتاج ایدیلہ جک درجہ دوام ایدہ میہ جکدر .

اون دردنجی ماده — ممالک شاہانہدہ سونداژ و تحریات  
و حفریات اجرا ایتک ایستیان افراد و جمعیات علمیہ نامنہ حرکت  
ایدن اشخاص با استدعا طوغریدن طوغری بہ وبالذات معارف  
نظارتہ مراجعت ایدہ جکدر . ویریلہ جک استدعاہ تحریات  
وسونداژ و حفریات اجرا اولنه جق حوالی ویاخود محلاک اسم  
و حدودی ذکر ایدیلہ جکدر . بوندن ماعدا سونداژ و حفریات  
اجراسی حالیہ مذکور استدعاہ اراضینک حدودینی وکشف  
وتجری اولنه جق محلاہ کی مبانی عتیقہ و جدیدہ موجودہنک  
موقع صحیحینی اراء ایدر برقطہ خریطہ ربط اولنه جقدر .

اون بشنچی ماده — اشبو استدعا معارف نظارتی جانبندن  
موزه هایونلر مدیریت عمومیه سنه تودیع ایدیلهرک . مدیریت  
مذکوره مستدعی ایله نخاره ایتمکی ومأمور مخصوصی ومحلی  
حکومتی معرفتیه تحقیقات لازمه بالاجرا ترویج استدعاسی  
ایجاب ایدوب ایتمه چکنی تدقیق ایلمکی آثار عتیقه قومیسینونه  
حواله ایده چکدر .

اون آلتنجی ماده — سونداژ وحفریات اجراسی ضمننده  
رخصت رسمیه اعطاسی شرائط آتیه نك ایفاسنه متوققدر : اولاً  
حفریات منحصرأ موزه هایونلر مدیریت عمومیه سیله بالاتفاق  
ومدیریت مذکوره نك معاوتیه اجرا ایدیلوب حفر اولنه حق  
اراضی افراد ویا جماعتك عهده سننده بولندیغی خالده صاحبك  
رضا وموافقتنی استحدال ایتمک وایده مدیکي تقدیرده بدلی حافر  
طرفندن تسویه اولنه رق یدنجی ماده احکامنه توفیقأ اراضی  
مذکوره بی استملاک ایلمک وظائفی مدیریت مذکوره درعهده  
ایده چکدر . بو صورتله استملاک اولنان اراضی حکومتك مالی  
اوله چقدر . ثانیاً سونداژ وتحریات وحفریات ایچون وقوع  
بوله حق مصارف طالبارینه عأقدر . ثالثاً ظاهره چیقاریلان  
کافه آثار عتیقه حکومتك مالی اولدیغی جهتهله موزه هایونلره  
وضع ایدیلهر چکدر . مع مافیه متحرینه - نثریات اجراسنه  
وفوطوغرافی واستامپاژ وقالب ورسم اخذینه حق اوله چقدر .  
رابعاً اجرا ایدیلهر چک سونداژ وحفریات عملیاتندن قلعه  
واستحکاماته ومبانی عمومیه وخصوصیه و منافع عمومیه



متعلق اشیای سائره به هیچ بروجهله ضرر ایراث ایندلیه جکدر .  
خامساً سونداژ و حفریات مواقعهده موزه هاپونلر مدیریت  
عمومیه سی جانبندن بر مأمور حاضر بولندیریله جق و مأمور  
مذکور باشاوجه اشبو نظامنامه احکامنک تمامی اجراسنه نظارت  
ایده جکدر . سادساً اخراج اولنه جق آثار عتیقه نك نوع و عددی  
موزه هاپونلر مدیریت عمومیه سی جانبندن ویریلان قوچانلی  
و مطبوع ایکی دفتره هر کون قید ایده جکدر . اشبو قیوداتک  
زیری حافر و یا سونداژ اجرا ایند ایله مدیریت عمومیه نك  
مأموری طرفندن امضا ایلدکن صکره مأمور مذکور آثار  
مکشفه یی بالاستصحاب بر محل مخصوصه وضع ایده جک و بوجه  
حافرك و یا سونداژ اجراسنده بولنانك دخوله و آثار مذکوره یی  
تدقیق و تتبعه جق اوله جقدر .

اون یدنجی ماده — سونداژ و حفریاته مخصوص رخصتنامه لر  
باب عالینك مساعده سیله اعطا اولنور . موزه هاپونلر مدیریت  
عمومیه سنك تنسیبی و مجلس معارفك تصویبی اوزرینه معارف  
نظارتك تذکره سیله اشبو مساعده استیدان ایده جکدر . باب عالی  
جانبندن ویریله جک مآذونیت اوزرینه لازم کلان رخصتنامه  
معارف نظاتجه بالتنظیم احسابنه تودیع ایلمك اوزره موزه  
هاپونلر مدیریت عمومیه سنه کوندریله جکدر .

اون سکزنجی ماده — تحریات و سونداژ ایچون تعیین اولنان  
مدت تاریخ رخصتنامه دن اعتباراً نهایت ایکی آیدن و حفریات  
مدتی ایسه نهایت ایکی سنه دن عبارت اوله جقدر . اسباب مجبره دن

طولانی حفریاته ابتداردن ویاخود حفریاتك جتامندن اول مدت مسروده منقضى اولدینی وعلاقه دارك درمیان ایتیش بولندیغی اسبابك وقوعی لدی التدیق موزة هایونار مدیریت عمومیه سنجه تحققی ایلدیکی تقدیرده وقوعبوله جق اشعار اوزرینه معارف نظارتی باب عالی جانب سامیسندن استیذان کیفیتله مدت معینه نهایت بر سنه دهها تمید ایلدیه جکدر .

اون طقوزنجی ماده — رخصتنامه تاریخندن اعتباراً اوچ آی ظرفنده حفریات عملیاتنه ابتدار اولنمادیغی ویاخود ابتدار اولندقدن صکره بلا سبب مقبول عملیات ایکی آی مدتله ترک اولندیغی تقدیرده حفریات رخصتنامه سی کأن لمیکن حکمنده در . علاقه دار تکرار مساعده طلب ایلدیکی حالده موزة هایونار مدیریت عمومیه سیله بالاتفاق معارف نظارتی اولجه ویرمش اولدیغی رخصتنامه بی ابقا وابطال وتبديل ایتیش ویاخود مجدداً بر رخصتنامه اعطاسنی استیذان ایدوب ایتامك خصوصنده مختاردر .

یکرمنجی ماده — سونداژ اجراسی ضمننده طلب ایلدیش اولان رخصتنامه حقنده اجرا فلنان تحقیقات وایفا ایلدیش بولنان معاملات رسمیه مذکور رخصتنامه نك مدتك انقضاسندن اعتباراً گذران ایده جك ایکی آی ظرفنده حاملی طرفندن عین محال ایچون حفریات طلبنده بولندیغی حالده تحقیقات ومعاملات رسمیه مبحوئه حفریات حقنده دخی مرعیدر .

یکرمی برنجی ماده — مأمورین حکومت سنیه ویاخود ممالک شاهانه ده کی سفارت ومأمورین اجنیه یه دائره مأموریتلری

داخلنده سونداژ و حفريات رخصتنامه‌سی اعطا اولنه من .  
يکرمی ايکنجی ماده — رخصتنامه‌لر شخسه مخصوص  
اولوب صاحی آخره ترك ويا فروخت ايده من . رخصتنامه‌ده  
مندرج حقوق ورثه يه انتقال ایتمز .

يکرمی اوچنجی ماده — بر شخسه عين مدت ظرفنده بردن  
زیاده تحری وسونداژ ويا حفريات رخصتنامه‌سی ویرلمز .

يکرمی دردنجی ماده — بارخصتنامه حفرياته مباشرت  
اولندقدن صکره حکومتجه بر محذور کوریلور ایسه حفريات موزة  
هایونلر مدیریت عمومیه سیله بالمخابره معارف نظارتی جانبدن تعطیل  
ایتدیریلور ومدت تعطیل رخصتنامه‌ده مقید زمانه محسوب اولتمز  
وبوتعطیلدن طولانی حافرك مصرف وتضمن ادعاسنه حتی اولمیه جقدر .

يکرمی بشنجی ماده — موزة هایونلر مدیریت عمومیه سی  
سندوغنه عائد اولوق اوزره معارف نظارتی تحری رخصتنامه‌لرندن  
بروجه آتی خرج آله جقدر :

تاریخ رخصتنامه‌دن اعتباراً آلی آی مدت ایچون بش عثمانلی لیراسی

» » » بر سنه یه قدر » اون »  
» » » ایکی سنه یه قدر » یکرمی »

### آلتنجی فصل

آثار عتیقه‌نک فروخت و اخراج و ادخال و نقلیاتی

حقیقده در

يکرمی آلتنجی ماده — حکومت سنیه‌نک مساعده‌سی

استحصال اولمدقجه ممالك محروسه شاهانده آثار عتیقه فروخت  
واخذ واعطاسی ممنوعدر. آثار عتیقه فروختی مسلك اتخاذ ایدنلر  
رخصتنامه استحصال ایتکمزین آثار عتیقه فروخت ویاخود  
فروخته اثبث ایده جك اولور ایسه یوز غروشدن بیک غروشه  
قدر جزای نقدی و آلتی کوندن آلتی آیه قدر حبس جزاسیله  
مجازات ایدیلولور ویدنده بولنان آثار عتیقه ضبط اولنه رق موزة هایونلره  
وضع اولنور. آثار عتیقه فروخته دائر اولان اذنامه موزة هایونلر  
مدیریت عمومیه سنک تصویبی اوزرینه معارف نظارتی جانبدن اعطا  
اولنور .

یکرمی یدنجی ماده — ممالك محروسه شاهانده کشف اولنان  
آثار عتیقه نك ممالك اجنبیه اخرجی ممنوعدر .  
یکرمی سکزنجی ماده — ممالك شاهانیه ادخال اولنان  
هرنوع آثار عتیقه نك ادخالی سربست وکمرک رسمندن معافدر .  
ممالك عثمانیه نك بر محلندن دیگر محلنه نقل اولنه جق آثار عتیقه  
داخلی کمرک رسمندن مستثنادر . دیار اجنبیه دن ممالك عثمانیه یه  
ادخال اولنه جق ویاخود ممالك شاهانه داخلنده بر محلندن دیگر  
محلنه نقل ایدیله جك اولان کافه آثار عتیقه یی دوائر رسومیه آثار  
عتیقه اداره سنک تدقیق و معاینه سنه تودیعه مجبوردر ،

یکرمی طقوزنجی ماده — بلاد اجنبیه دن ادخال ایدلمش  
اولان آثار عتیقه نك تکرار بلاد مذکوریه سیوقی و ممالك  
شاهانده بر محلندن دیگر بر محلنه آثار عتیقه نقلی موزة هایونلر  
مدیریت عمومیه سنندن اذنامه استحصالنه وابسته در .



اوتوزنجی ماده — ماده سابقه ذکر اولنان اذنامه نك  
استحصالی ایچون حامل و ناقلا ری آثار عتیقه نك بردفتری تنظیم  
ایله اشبو دفتری در سعادته موزه هایونار مدیریت عمومی سه سنه  
وولایانده آثار عتیقه مأموریتی ایفا ایدن معارف مدیر لرینه  
وبونار ك بولندقاری حالده ده حكومت محلیه یه اعطا ایلیه جكدر در .  
اوتوز برنجی ماده — آثار عتیقه مبحوئهدن موزه لر  
قولكسیون ایچون اهمیتی ثابت اولانلری قیمت نك تسویه سی ایله  
مبايعه اولنهرق متباقیسی اخراج و نفاه مساعده ایتمك موزه  
هایونار مدیریت عمومی سنك صلاحیتی داخنده در .

### احكام متفرقه

اوتوز ایکنجی ماده — اولاً ضبط ایدیلان ویا خود  
بعدا الحکم مزایده طریقله فروخت اولنان آثار عتیقه اوزرندن  
استیفا قلنان منادی رسمی و ثانیاً جزای تقدیلر موزه هایونار  
مدیریت عمومی سه سنه عائددر .  
اوتوز اوچنجی ماده — اشبو نظامنامه احکامندن تولد  
ایده جك دعاوی محاکم عادیه ده فصل و حسم ایدیله جكدر .  
اوتوز دردنجی ماده — آثار عتیقه یه متعلق اولوب اشبو  
نظامنامه یه مخالف اولان احکام مفسوخدر .  
اوتوز بشنجی ماده — معارف نظارتی اشبو نظامنامه نك  
اجراسنه مأمورددر .